

治河全書

治河全書

卷之七

寧陽縣泉圖

寧陽縣泉事宜

泗水縣泉圖

泗水縣泉事宜

曲阜縣泉圖

曲阜縣泉事宜

滋陽縣泉圖

滋陽縣泉事宜


濟寧州泉圖

濟寧州泉事宜

魚臺縣泉圖

魚臺縣泉事宜

寧陽縣志
卷之四





寧陽縣

寧陽春秋魯郕邑今縣東北九十里有郕城左傳所云孟氏之保障也漢為剛蛇丘二縣後復析置寧陽南北朝元魏省蛇丘剛二縣入之今縣境內有蛇丘城縣東北三十里為岡縣城逼近汶水即今堽城也相傳梁武帝所築中有釣魚臺梳粧樓故址岡縣西南有盛鄉城洸水西南流經焉下謹城在蛇丘西南春秋齊侯送姜氏於謹即此通誌云伏山盤繞於東北洸水滌迴於西南蓋形勝之區也郡誌云寧陽接泰山南麓城以北多山汶水經其境蓋

以諸泉為運道所資焉

河

汶河

出萊蕪原山之陽經縣北界西流歷汶上縣草橋出分水龍王廟入運河

洸河

汶水至縣北堽城岐而為洸又循縣南流二十里經滋陽縣界又西南流至濟寧入會通河

澗河

卽城河納蛇眼泉三里溝泉井泉張家泉金馬泉柳泉
古泉日淵泉諸水而成河遶城東南流入於漕

泉

蛇眼泉

石口以泉孔如蛇眼故名在縣北門外迤東一里出土
中東南流長半里會三里泉等入灤河

日淵泉

石口卽李家泉在縣北門外迤北三官廟後東南流長
半里入古泉會入蛇眼泉

古泉

石口距縣北門外迤北一里東流長半里會入蛇眼廢泉一

三里溝泉

土口在縣東門外迤北一里餘出土中新廢小泉四舊廢泉七南流長二里會蛇眼

井泉

石口在縣東門外迤北四十步出土中西南流長三十步會蛇眼會三里溝泉

金馬庄泉

距縣東南八里出劉家村土中廢泉二西南十二里會

蛇眼

此泉久枯
水甚微細

張家泉

土口在城東蒲庄村迤東十二里向西流八里會蛇眼
入澗河廢泉七 已上諸泉俱入澗河

按澗河即縣河歷蛇眼諸泉水南流至府城北三十里
入於洸即歸天井關矣

古城泉

石口在城南十二里沙村庄出土中長五里西南流十二里會入滋陽縣漕河接濟天井閘

魯姑泉

以魯姑棄子存姪得名距縣西北二十五里在鶴山之陽出常家村土中西南流六十里入淵瑤山泉又西會汶上縣龍岡泉入汶

漂濇泉

距縣西北三十五里距魯姑十里出羅山村土中歷泉六西南流三里會汶上縣漂濇入蒲灣泊又西二里入

龍岡泉入汶

龍魚泉

距縣東北六十里土口出黃家村土中廢泉二十九又
王家等泉三十二西流十里會龍港泉

龍港溝泉

澄泓一派萬孔沸湧浪花砂礫宛若珠璣雖旱不涸距
縣東北五十里出韓家村土中廢泉二十七又小河等
二十七西北流三里會龍魚又三里入汶

新電泉

距縣東北二十五里出劉家庄土中旱則無水挑浚微
津有二眼掘下源可入洸

羅星泉

在城東北三十五里出殷家堂土中長十五里流入洸
河去汶五里以沙阻開入洸便 已上二泉前代久枯
難浚

柳泉

土口距縣西十里舊南流十五里入洸至嘉靖初洸水
久涸柳泉南入於洸者悉滲於沙不達於漕乃於洸河

兩岸東西相對各立一閘大雨時行則閉閘門以防其
溢春冬水淺則啓閘門以達其流東會蛇眼等泉渾河
合流悉至天井濟運迨明季依前南流入洸及至康熙
三年仍改東流經城合諸泉以入渾河

堽城壩在古堽城距寧陽縣北三十里元至正間築土
壩以遏汶水入洸明永樂中宋禮移置青川驛成化中
張盛改築以石當汶水中一百二十丈濶一丈七尺為
水門七又於新堽鑿河十里南入於洸謂之洸河為閘
者二曰堽城閘在堽城西北隅百步元至元建曰堽城

新閘距舊閘八里在新堰上流明成化中建乃遏汶之
要津也然自永樂中改從南旺分水於西南下流增築
戴村壩而埋城稍輕矣然汶河百年以來沙淤底高俯
視洸河若建瓴之勢若壩堤一決寧汶滋濟均受水患
則修築之勤有司之責哉

泲水縣志
泉圖





泗水縣

泗地古名錦川不詳所始於商為十明國於周為魯十邑
隋改今名東費南鄒西曲阜北泰安縣東北五十里有龜
山與蒙山相連故魯之北界即詩所云奄有龜蒙者是也
縣東南六十里聖公山有孔子晒書臺縣東五十里有陪
尾山泗水發源其下泉源甚多縣東南三十五里安山下
有湧泉東南二十二里商寨山有石臼泉池下有鮑村東
巖黃陰三泉流入泗水又縣東南五里鳳凰山下有珍珠
泉西北三十里有龍門山兩峯相峙其旁即奉仙山有石

錫李杜詩中所稱石門者是也此外石屋伯石等山其名
甚多不及詳載又考泗水境內舊稱以泉名者凡五十七
以漢名者凡三十夾而入於泗水第考山水經泰山之陽
其脉䟽為三支其中一支由徂徠梁父而南折而東行為
陪尾之山泗水出焉泗水固泰岱正脉也今閱陪尾之麓
泉布若林或從地湧或從旁溢憂王漱金滔滔不竭虎豹
競形蛟龍吐沫五步成溪百步成河濟騰萬里終始天地
而

聖朝漕運實首賴之通誌所云為山東諸泉之冠信乎不誣又

考泗水源出陪尾其水四源並發循城北八里始合為一
西流至曲阜縣經滋陽縣城東五里與沂水合同入金口
堰又南流三十里至濟寧州東城下與汶水合入曾通河
又濟河源出珍珠泉又有百丁河丑村河石井河黃溝河
金線河高陽河壁溝河黃陰河中冊河柘溝河水俱流入
泗再考古蹟縣東五十里有故卞城即古卞明國也湯伐
有卞春秋地入於魯為卞莊子之邑城東有汴橋泗水逕
之又故姑蔑城在卞城南泗水逕其北又縣東南七十里
地名歷山有舜廟舜井即在廟前有娥皇女英臺在舜廟

西南又縣東南七十里有雷澤湖卽禹貢之雷夏既澤也
春夏雨積成湖至秋地竅自開湖響如雷三日漏涸故名
雷澤又縣東八里有泗臺相傳孔子問禮老聃處又縣境
南有尼丘鄉又縣北有曲池亭春秋桓公十二年會杞侯
莒子盟於曲池此其地也再考古今碑記陪尾山麓泉林
最多寺內有

御製遊泉林記碑文彪炳縣誌總之泗水所由名以泗水發源
陪尾諸泉夾出昔大禹治水以陪尾為䟽河之源其名首
登禹貢茲流入運河通漕數百里厥功茂焉豈非古今之

所利賴者哉

河

泗河

在城東五十里陪尾山下發源其泉四源並出故曰泗水即所謂泉林也其山陰有湖謂之漏澤亦謂之雷澤山下有泗水神祠號仁濟侯故宋所封也廟西即泉林寺寺之左右泉有數十互相灌激合而成流西南經卞城有橋跨之名曰卞橋橋之西南有泉二十一而北流入泗橋之西北有泉十三而南流入泗明初開會通河

引泗入運復命工部主事顧大奇等徧歷山川䟽浚諸
泉以通水利正統中泰將湯節大加䟽浚諸泉盡出漕
渠賴焉泗水又西過其縣北又西過曲阜城北五里分
而為洙水春秋所謂洙瀆也洙水逕聖墓前泗水繞其
後過孔林之西合而為一總謂之泗水泗水又西至府
城東五里金口閘東沂水零水入之沂水出曲阜尼山
之麓過其縣西至府城東入於泗水零水出曲阜縣南
五里馬跑泉西流過鄒縣境至府城東入於泗水泗水
正流西入金口閘金口閘在府城東五里俗所謂黑風

口也隋文帝時沂泗南流汎濫大野薛胄於二水之交
積石堰之決令西注陂澤以溉良田號為薛公置堯渠
元至元二十年開會通河乃修薛公舊堰為滾水石壩
以引泗水入運延祐四年都水太監濶濶始䟽為三洞
以洩水勢而金口閘壩所由始矣明初堰壩以土旋築
旋廢成化七年侍郎喬毅始命主事張盛以石為壩固
之以鐵夏秋水潦則開壩洩水使南流會沂由堽里閘
入師家庄閘河冬春水微則閉閘通水西入府城以出
濟寧皆運道所利賴也然石壩之上常培以土歲壞則

歲增之嘉靖末年河道都御史王廷復命同知黎天啓
增築閘壩以石增土而制始大備矣金口閘河入府城
而西至西門之外納閼黨蔣訓七泉水合而成流謂之
濟河以其通濟寧也再按泗地據勢上流泉源數十而
皆順入泗河直趨而西之三十里而挾洙以經曲阜又
三十里而奪沂以會於兗之東門又六十里而會洸與
汶以入於濟再按泗水與洙水相接洙水源在蓋縣其
河在曲阜洙泗二水異源而同流洙源在北泗源在南
而同流之中又有分合焉

濟河

在縣東門外一里仲子祠東源出珍珠泉北流入泗

百丁河

在縣東北二十五里南流入泗

丑村河

在縣東北二十里南流入泗

石井河

在縣東北五十里西南流入泗

黃溝河

在縣東北四十里西南流入泗

黃陰河

在縣東三十五里北流入泗

金線河

在縣東北三十五里南流入泗

高隅河

在縣北十五里西南流入泗

壁溝河

在縣西北十八里南流入泗

中冊河

在縣西北十三里南流入泗

柘溝河

在縣西北二十五里南流入泗

泉

泉林寺諸泉若林距縣東五十里西珍珠趵突東黑虎洶

來四泉俱出石縫中合流為泗源

珍珠泉

北流五步入趵突泉

趵突泉

一步入黑虎泉

黑虎泉

一步入淘米泉

淘米泉

一步會雪花泉

雪花泉

出沙中 已上五泉俱在寺龍王廟西一流分支又西
北半里會繁星等泉同出水口四里至下橋

繁星泉

出石中西南流五步入白石泉

白石泉

出沙中二步入蓮花泉

蓮花泉

出沙中五步入雙睛泉

雙睛泉

出沙中已上四泉亦在寺龍王廟前同出水口五里

至下橋

甘露泉

出沙中西北流五步入甘露新泉

甘露新泉

出沙中半步入西甘露泉

西甘露泉

出泥中 已上三泉在寺龍王廟前一流分支西流半
里會珍珠等泉又一里會潘坡等泉同出水口五里至
卞橋

濤靡泉

出沙中在龍王廟西南流二十步入三水泉

三水泉

出石中五步入响水泉

响水泉

出石中十步入醴橋泉

醴橋泉

出沙中八步半入涓涓泉

涓涓泉

出石中五泉一流分支南十步入紅石泉

紅石泉

出石中十步入新開泉

新開泉

出泥中九步入琵琶泉又一新開泉在醴橋泉紅石泉之間

琵琶泉

出泥中三步入天井泉

天井泉

出泥中十五步入奎聚泉

奎聚泉

出泥中二十二步入西奎聚泉

西奎聚泉

出泥中二十步入湧珠泉

湧珠泉

出沙中 已上諸泉俱在龍王廟西南一流分支源頭

諸水南流一里會珍珠等泉一里併會潘坡等泉同出

水口五里至卞橋

卞庄泉

出泥中距縣正東五十里在泉林寺龍王廟前西北流
二十步入三台泉

三台泉

出泥中亦在泉林寺龍王廟前西北流一里入潘坡泉
同出水口五里至卞橋

卞橋泉

出泥中在泉林寺龍王廟西南水西北流二里徑入卞
橋河二里至卞橋

潘坡泉

即璣珠泉距縣東五十里在蒲坡村南出沙中北流十步入膏湧泉廕泉一

膏湧泉

出沙中十步入瑤泉

瑤泉

出沙中八步入留思泉

留思泉

出沙中五步入石竇泉

石竇泉

出石中十步入石液泉

石液泉

出石中七步入雙石縫泉

雙石縫泉

出石中五步入潘坡新泉

潘坡新泉

即石露泉出沙中十步入石壑泉

石壑泉

出沙中 已上諸泉一流分支皆在潘坡村南北流四

里會湧珠等泉同出水口五里至卞橋按卞橋金大定
十年建去縣四十五里地在泗源南社共聚有三曰石
漏村曰卞莊曰潘坡村自珍珠以下有繁星甘露濤靡
醴橋卞莊卞橋潘坡等各泉頭相距不出南社三聚五
里遠近俱入卞橋會河卞橋一里入泗河也

激雪泉

距縣東四十五里在石露村西北出沙中東北流十五
步入大黃陰泉

大黃陰泉

出沙中東北流二十步入小黃陰泉

小黃陰泉

出泥中北流十里入泗

吳老泉

距縣東北三十五里在小黃溝村東出泥中西南流一
里入變巧泉

變巧泉

出沙中西流十步入大黃溝泉

大黃溝泉

出沙中在大黃溝村正東西南流六里入小河四里入泗

小黃溝泉

出泥中在大黃溝村正東西南流六里入小河四里入泗

石井泉

出泥中距縣東二十里在李家坡西北地名蔣家村北流二十步徑入泗

杜家泉

出沙中距縣東十九里在李家坡西北地名漢北社西北流半里徑入泗

里家泉

即里老溝泉距縣東十八里在林泉村南出泥中西北流半里徑入泗

蔣家泉

距縣東十七里在林泉村南出石中西北流一里徑入泗

曾家泉

距縣東十五里在東巖店東出石中西北流一里半徑入泗

岳陵泉

距縣東北十六里在岳陵東北出泥中西南流九里徑入泗

四勝泉

距縣東十四里在東巖店西南出泥中十步入趙家泉

出石中水清可愛十步入黃花泉

黃花泉

出石中十七步入合德泉

合德泉

有二巨石在旁明季鑿山與趙家清德相合故名已
上四泉俱一流分支距縣東十四里在東巖店西南水
西北流一里入東巖石縫等泉下源合一股流一里半
入泗

泰來泉

出泥中三十一步入地震泉

地震泉

出石中五十一步入東巖石縫泉

東巖石縫泉

出高坡石中十九步入天澤泉

天澤泉

出泥中 已上四泉俱一流分支距縣東十四里在東

巖店西南水西北流一里半入泗

龜尾泉

出泥中距縣東十二里在李家庄東北十四步入龜陰

泉

龜陰泉

出沙中二泉俱東北流二里半入泗

大鮑村泉

出石中地名尚舒村廕泉一北流十步入小鮑村泉

小鮑村泉

出石中十一步入龍澤泉

龍澤泉

出石中十步入東廕出小泉

東廕出小泉

出泥中十三步入西廕出小泉

西廕出小泉

出石中 已上五泉一流分支距城東八里俱在鮑村
南西北流六里入泗

城南珍珠泉

出高坡沙中距縣東南五里在醴前庄南西北流半里
入醴泉

醴泉

出石中距縣東南四里半在醴前村南西北流三里入
醴前泉六里半入泗

醴前泉

距縣東南三里出石中在醴前村迤西北流四里入泗
七里泉

出土中距縣西三里在湯家庄北西北流七里入泗
壁溝泉

距縣西十五里在李白庄南地名中冊社南流十里入
泗

大玉溝泉

距縣西南十二里地名玉溝村出土中又出平坡石縫
中北流三十六步入小玉溝泉

小玉溝泉

出土中陰泉一流二十一步入西陰出小泉

西陰出小泉

出沙中二十一步入龍震泉

龍震泉

出沙中十五步入珠澤泉

珠澤泉

出沙中 已上五泉一流分支在南王溝村東北流八里入泗

馬庄泉

出土中距縣西北二十里在馬庄村北西南流五里入馬跑泉會河三里入魏庄泉出水口十四里入泗

馬跑泉

出沙中距縣西北二十五里在柘溝村東水南流五里入馬庄泉會河三里入魏庄泉十四里入泗

魏庄泉

出土中距縣西北二十七里在魏庄村東南源頭水微
中源底漏六里入馬庄馬跑兩泉會河九里入泗

三角灣泉

出沙中距縣西三十里在三角灣村迤南地名仁里西
流二里入泗

西巖石縫泉

地名西巖村出平地石縫中距縣西南二十五里在葫
蘆套迤東西流六里入蘆城泉沙河九里入泗

蘆城泉


出沙中距縣西南二十三里在蘆城村迤東西北流十里入西巖石縫泉沙河七里入泗

石河泉

出土中距縣北七里在城子崖地名曲北村出平地石縫中源頭水微二里入泗 按邑誌云境內處處皆泉 堪云恭布星列其中最勝者為響水泉趵突泉黑虎泉 潘坡泉潘坡新泉紅石泉潤米泉雙晴泉甘露泉石縫泉趙家泉鮑村泉珍珠泉玉溝泉稱曰海岱名川云

曲阜縣志圖





曲阜縣

曲阜故神明之區也其山防其水沂泗其設都為大庭神
農有熊少昊氏其封國為魯代有升降而間氣不薄迨孔
子生而曲阜益為宇內重爾雅曰大陵曰阜應邵曰曲阜
在魯城東委曲長七八里故曰曲阜其名肇自上古載在
史冊由來遠矣其境東泗水西滋陽南鄒北泰安嶧縣在
其東南寧陽在其西北西南為濟寧東北為新泰縣之東
南六十里尼山峙焉山麓建孔子廟東有坤靈洞觀川亭
西有五老峯智源溪南有文德林魯源村北有中和壑升

仙橋五峰攢秀八景羅列萃天地之精英鍾山川之和氣
其脉起泰岱而抵太行真古今之勝槩也宋仁宗皇祐二
年封山為毓聖侯有御製碑在焉顏母山在尼山東相距
三里西山對峙山有顏母井乃聖母遺趾昌平山在縣東
南五十里尼山之西史記孔子生魯昌平鄉即此防山在
縣東三十里峰如筆架北有啓聖墓墓東南三步為伯皮
墓戈山在縣東三十五里所謂登東山而小魯者此也縣
東南二十五里有九龍山山形起伏凡九故名縣北四十
里有九仙山一名鼇山後有白雲洞西有孔子石古魯城

環新城外城基尚存有如山嶺門十二窮桑在魯城北史
記少昊氏自窮桑登帝位後徙於曲阜大庭氏庫在縣治
東春秋昭公十八年梓慎登大庭氏之庫以望氣曰宋衛
陳鄭火周公廟在縣東北二里許即魯太廟也其初棟宇
剝落祭田不及百畝自

本朝康熙二十三年

駕幸闕里

御製祭文

特遣親王致祭俾其裔孫東野沛然

東野古地名也昔伯禽之
季子魚賜東野田一成以

自秦因以東野為氏世襲五經博士之職葺廟宇以肅觀
此更姓所由始也

瞻給祀田以供窆盛此為亘古未有之曠典一朝而舉之
嗚呼盛矣又縣北一里有伯禽臺昔伯禽築縣東北里許
為西觀臺孔子誅少正卯於其下春秋莊公築臺臨黨氏
其臺在縣東六里許闕難臺在縣東南七里即季氏與郈
氏閒難處魯點風乎舞雩今縣南三里有舞雩臺焉洙泗
書院在縣東北五里舊名先聖學堂背泗抱洙夫子自衛
反魯刪詩書定禮樂於此有碑記觀臺并在縣東北周敬
王三十六年孔子繫易處也靈光殿在縣東二里魯恭王

建孔子故里在縣域中是名闕里今為宣聖廟杏壇在廟
殿前孔子舊居也魯壁為孔子宅舊垣漢魯恭王欲壞孔
子故宅以廣其居間壁中金石然竹之音不果壞今聖廟
內金絲堂是堂後有四留碑宋王留耕所作意字高古人
珍愛之聖廟大成門內有孔子手植檜高三丈五尺二寸
徑五尺六寸文左旋宋太常博士朱芾有贊明御史林潤
有圖榮枯闢時盛衰焉伏遇我

皇上尊師重道

警蹕東巡

躬行釋菜

御製碑文詩賦聖里增光海隅傳誦

幸魯盛典刊示四方傳諸萬世當與日月同輝山河齊永矣縣
北二里許即宣聖墓林廣數十里樹以萬數皆異種惟楷
木最多墓道一株枯而不朽云子貢手植者王統論云孔
子當泗水而葵水為之却流墓前有石壇厚三尺方如之
縱橫各七其數四十有九四面皆歷代題名歲久湮滅字
不可讀塋中無荆棘無鳥巢聖墓後東為伯魚墓聖墓南
為子思墓白兔溝在聖墓北秦始皇既焚書坑儒乃發孔

子墓欲取經傳有白兔出於中始皇逐之至曲阜西八里溝而沒魯人因名其溝曰白兔溝雙相圖在聖廟西縣治東北有顏子廟其墓在縣東三十里許縣東北八里為壽丘帝王世紀云黃帝生壽丘此也又自此東北三十步許為少昊陵周魯諸公墓在防山下縣之東南八里宰我墓在馬邑無洪濤巨澤水經註曰泗水又西南流經魯縣分為二流水側有一城為二水之分會也北為洙瀆春秋莊公九年冬浚洙卽此昔夫子設教洙泗之間今於城北二水之中卽其故址二水異源而同流而同流之中又有分

合而皆會入於沂邑之泉河入泗者八入沂者二十一有
可考而知者

河

洙水

距縣北四里許為泗分流洙源久湮明嘉靖初浚得之
建橋近聖墓前經孔林內西南流入沂

泗水

距縣北八里自泗水縣陪尾山東來經縣孔林北又西
至府城東會於沂

沂水

距縣南二里許發源尼山之麓西入於泗

嶮河

距縣北二十里發源石門山西流入泗

蓼河

距縣南十里發源昌平山西流入泗

泉

達泉

距縣東南三里在馬跑泉村東出土中水中石如伏龜

怒鼉活潑可玩即左傳所稱遼泉是也西南流三十步
會兩觀泉

兩觀泉

出土中東南流十五步會近遼泉

近遼泉

出土中西流二十步會車輞泉

車輞泉

出土中東南流五步會雙泉

雙泉

出土中西南流二十步入茶泉

茶泉

出土中東南流八步會柳青泉

柳青泉

出土中西流十步會曲溝泉

曲溝泉

距縣東南二里在馬跑泉村西北出土中東會茶泉十步與柳青雙車輞近遠兩觀遠泉相去亦各止十步或二十步共泄南流一里出口入沂

通沂泉

距縣東南四里出馬跑泉村東土中西北流一里徑入沂

洙泗河泉

距縣東南三里出馬跑泉村西土中南流十步會新泉

新泉

出土中地名竹園西南流一百步會曲水詠歸泉

曲水詠歸泉

出土中南流二十步會濯纓泉

濯纓泉

出土中北流三步會浴沂澗聲泉

浴沂澗聲泉

出土中西南流半里同會諸泉入沂

城南新開泉

在南關南一里出土中北流一里入海河會文獻泉

文獻泉

在城東二步出土中魯頌思樂泮水即此西南流三里

入沂

溫泉

距縣東南十里雖寒沍水常暖即魯點所謂浴處也在
張曲村東北出土中廢泉五西流一里會近溫泉

近溫泉

距縣東南九里在張曲村東北出土中西北流一里會

黑虎泉

黑虎泉

距縣東南八里出張曲村土中西北流半里會連珠泉

連珠泉

距縣東南七里出張曲村北土中西北流六里同諸泉入沂

青泥泉

距縣東南十五里出河頭村西北土中地名萬柳庄西南流五里入沂

埠下泉

距縣東北十五里出句石橋村土中西南流二里入泗橫溝泉

距縣東北十六里出陶樂村北土中西南流三里入泗

新安泉

距縣北二十五里出泉頭庄東北土中西南流十五里入泗

暎安泉

距縣西北三十里出泉頭庄土中西南流會新安泉入泗

城北新開泉

距縣西北三十里去新安泉四里出柳庄村東土中南流十三里入泗

變巧泉

距縣西北三十五里出姚村南沙中西南流八里入泗

蜈蚣泉

距縣南二十里出大薛村西南西南流一里會郛縣鰲

眼泉入白馬河

滋陽縣志
圖





滋陽縣

滋陽為魯瑕丘地曠野平時無山豁之險獨嵒陽一山童

然崕嵒耳而縣故藉以名

宋大觀四年置嵒陽縣明成化間因其地多大災欲以水壓之

故去山漆水改召滋陽水則洙泗等河發源聖地涓滴俱入會通固

轉輸之所賴也其境東曲阜西濟寧南鄒北寧陽城西北

五里為達巷

巷乃適中都之要途孔子為中都宰但來憩息於此

顏子陋巷在縣

前路南小巷湫隘前有勒石即顏子簞食瓢飲處

常對孔子曰回

有郭內之田五十畝足以為縣麻者此也

顏子郭外田在縣南八里南沙堆社

舊名陋地乃所稱郭外之田五十畝所以給饒粥者

縣東二里黑風口西有沙丘始

皇

東地封泰山登嶧山之巔立碑頌德乃至閭里發孔子墓
 既啓見冢壁上刊文云秦始皇何強梁開吾戶據吾林飲
 吾漿唾吾堂殮吾飯以為糧張吾弓射東牆前至沙丘當
 戒亡始皇惡之東遊不欲循沙丘行至此忽見小兒攢沙
 為阜問之何為答曰此為沙丘也縣南三十里有姜公庄
 從此病篤而亡至今地名沙堆社
 漢姜公縣治東百餘步有韋園漢丞相常賢受詩於瑕丘
因築園新地以便就
 故居
 傳子元成縣北四十里有二疏故里其地有東疏村西疏
村乃二疏之分墮也
 增修益盛
 縣西三十里有顧王城柳下惠之弟展雄築以自衛生能
周給鄰里上人感之號曰顧王孟
 子所稱盜
 遊者是
 嶽雲樓即兗州城南樓杜甫省親登樓賦詩後
 因為少陵臺臺下建亭為兗州之勝槩焉

河

濟河

在縣治西六十里杏林關下即濇沂泗支流所會之水也

泗河

在縣治東五里其源發泗水縣陪尾山遙遶過曲阜至本境與沂水合入金口堰

沂河

在縣治東五里其源出尼山西北經魯之濇門蜿蜒至本境與泗水合

漕河

在縣北三十里發源於徂徠山入境九折而下矯若游

龍人號曰九龍灣

泉

東北新泉

距縣東北五里出井家林庄地名在隅社渠長一里西

流會閼黨泉

閼黨泉

距縣東北四里古閼黨地其地人不滿百地不當道在

城一闕因以為名西流會古溝泉

元對泉

距縣東北六里會入照星泉

照星泉

距縣東北五里半會入惠泉

惠泉

距縣東北五里半會入既濟泉

既濟泉

距縣北五里長八十五步會入古溝泉

古溝泉

距縣北五里在玉皇廟西長一百五十步會入負瑕泉

負瑕泉

距縣北五里當以古瑕丘得名長三十步會入蔣誦泉

廕泉一西流會閼黨泉

三義泉

距縣東北四里在三義廟前長七十步二里會入負瑕泉

上蔣誦泉

距縣北五里在紅花廠西地名紙房長七十步西流會
下蔣訓泉

下蔣訓泉

距縣北五里在紙房廠東長九十步南流轉西會西北
新泉

西北新泉

距縣西北五里在郡厲壇東長六步一里會入紙房頭
泉

紙房頭泉

距縣西四里在舊關東長九步三尺右沅轉南會驛後
新泉

驛後新泉

距縣西二里渠長一里會諸泉至平政橋入濟又十五
里至姜閘又二十里至杏林閘二十里舖為濟寧州交
界舊入天井閘今會入馬場湖濟運

按金口壩在兗州府城東五里元至元中為滾水石壩
引泗入運即隋文帝時薛胥於沂泗之交積石為堰決
令西注陂澤以溉良田者延祐中疏為三洞以洩水勢

明初堰壩以土旋築旋廢成化間築石堰東西長五十丈下濶三丈六尺上濶二丈八尺自地平石計五層高七尺湫口三處跡水稍長時其啓閉橫巨石為橋以便往來堰北復作分水二雁翅以殺水勢堰南北跌水石直五尺橫四十丈以固堰基後歲久土淤舊堰獨低水消泗不入洸每春築土壩高一尺七寸以障之水漲土潰勞費無益嘉靖三十七年主事陳南金易以石高亦如之仍為金口三添閘板以時啓閉歲省前費水亦賴以節宣張純守壩論畧曰金口壩以遏泗之南趨閘以

導泗之西流蓋元人遺智也夫泗之趨於南猶汶之放
於海遇泗以金口猶遇汶以戴村也國初壩因元舊時
圯時修勞費無已成化中主事張盛始易以石視昔善
矣然猶石之上歲益以土高可一二尺土歲壞則歲增
之迄嘉靖中主事陳南金以石易土高亦如之而制始
大備泗盛則勢突而壩當其衝寧無漸入圯壞者乎果
有之則補葺之功杜其微焉可也苟且因循俟既壞而
後修之焦頭爛額之功也泗消則微入濟之勢緩矧自
黑風口而之府河自府河而之濟河凡幾十里而始至

天井水過沙積寧無壅而未通者乎果有之則挑浚之功或一歲而見或三歲而再見焉可也廢之不講而歸咎於天井之淺濫是不揣其本之論也

濟
寧
州
衆
圖





濟寧州

濟寧古任國也唐為濟州

按李翰林集有難濟寧汎舟北行詩則濟寧之名在唐已見

元為濟寧路明改路為州會通襟前洸流帶後右有馬場諸湖之渚左則汶泗兩河滌折而西來南控江淮北拱畿輔水陸衝途而地形隆起南旺湖之水南北分流又若據天下之脊者州境所管河道南自魚臺縣四里灣北至五里營之東計長七十五里中置閘座九月河閘三屬濟寧州管轄又南自五里營迤東北至曹井橋迤北計長一十七里八分置減水閘安居斗門閘屬濟寧衛管轄以其地

為南北衝要漕運咽喉河督建節宿兵於此河流之濟運者泗沂汶洸繚繞境內山東諸泉由之入運無慮百有餘泉而州之蘆溝泉托基泉馬陵泉浣筆泉皆徑入於漕此可考而得者

河

泗河

發源於陪尾山與沂水合西南流由金口壩至魯橋入運

府河

一曰濟河即泗水之支河也穿兗州府城西流至濟舊
由林家橋繞州城之北西入馬場湖後因伏秋水大河
小不能暢達致有漫溢於康熙三十四年開通楊家壩
建減水閘以時啓閉由天井閘入運河

洸河

起自寧陽縣南有兩道一則上承九山口諸處山水與
滋陽縣之三岔河合流而南一則汶水分流出寧陽縣
之埧城壩經滋陽縣之高吳橋南流至八龍橋兩道會
合由洸河大厰至州城東北與府河合一南流入楊家

壩一面流入馬場湖 已上河渠三道俱在運河東岨
又牛頭河在州城之南舊通南旺由永通閘下連魚臺
縣之穀亭即舊運河也自改運河之後將永通閘築堤
閉塞惟諸窪之水彙入河中然下源已淤皆於運河不
通故不載入圖內

泉

浣筆泉

在州城東關外去會通河不數武出土中一方池一圓
池相傳為唐時李太白浣筆處南流由通濟橋入運

蘆溝泉

距州東南七十里出兩城店土中泉頭五長十八里南流入南陽關由磨鑪溝出水濟運

馬陵泉

發源馬陵山西距州東南六十里東泉頭一西泉頭二長六里西流入棗林關由龍家橋出水濟運

托基泉

距州東南五十里出土中泉頭二處西流由龍家橋入運已上四泉俱在運河東岸

按濟多川澤無崇山峻嶺山之可稱者曰縉雲山

在州西南

三十里山有古寺北瞰重湖西聯九十九峯滑河統其左

曰兩城山

在州東南五十里直見山西

蜿蜒如屏南陽湖出其頤稱奇勝州南六十里為魯橋

鎮居民雜稠商賈輳集本部一大鎮也有南州書院祀

仲子路其北二十里為仲家淺古蹟則宣聖墨池在魯

橋間下俗名硯瓦溝其水墨色有古碑刻云宣聖墨池


南城上有太白酒樓舊傳唐李白游任城時賀知章為

任城令邀飲於此咸通中建樓往來名人題詠石碣林

立其下為南池洗泗兩水所經傳泓以入天井開者有

池蓄荷數畝唐杜甫與許主簿泛舟遊此有詩州東門
外有浣筆泉泉上建二賢祠祀賀知章李太白焉

興臺縣志
卷一





魚臺縣

魚為古棠邑春秋隱公五年公矢魚於棠即此今縣北十二里有高埠名觀魚臺唐因以名縣東滕西金鄉南至江南之豐邑北濟寧昔之漕也會河合濟北走燕都西通汴路總由穀亭則縣為綰轂今之漕也沂泗汶洸會於濟寧直貫南陽以輸夏鎮亦縣為綰轂然則兗也者京師之門戶而魚臺又東省之咽喉也運河在縣東三十里是為新河明嘉靖末年治河尚書朱衡開夏鎮新河一百四十里以達南陽避河決之患及昭陽湖之險至今因之縣管漕

堤自沛縣珠梅閘至本縣南陽閘凡八十五里皆新河也
珠梅閘北實有滕境二十里入漕之泉二十三然在南岬
者必由昭陽湖入運在北岸者必由獨山湖入運二湖俱
在縣境故河岸盡屬縣管閘座三曰邢庄曰利建曰南陽
淺五曰馬家淺曰楊家淺曰吉家淺曰張家淺曰廣運閘
上淺入運之泉二十處其泉流所出隨地異名實皆鳧山
之麓也合為三溝迺南陽湖入運鳧山即魯頌所云保有
鳧繹者是在縣東北七十里雙峰聳翠狀若鳧翔故名其
大峯巔寬平約四五里上建玉虛宮名玉皇頂海岱在目

一望無際其次峯名牧仙山相傳有牧夫昇仙於此峯頂
周遭石如斧劈峯下石劃一線隱隱天光若覆若伏深望
龍湫水勢洋溢流出石底山南有呂公洞洞有丹井其水
冬溫夏涼大旱不竭下有西龍泉又南為廟前泉又下為
東龍泉其前有伏羲廟廟中雙栢可數千年物見山之右
為黃山黃良等九泉出焉黃山之後為雲寨山聖母池等
六大泉並六小泉出焉黃山之左為鳳凰山麓有新城明
嘉靖萬曆間議遷縣治之所黃山之側為平山平山之前
有獨山巍然獨秀北連白沙黃山深澗錯落又有東西龍

泉映帶左右湖山佳勝為一邑之最染山為縣東北界山
北界鄒東界滕前有小白河豬為郁郎淵一名溫水湖有
聖母池泉環流入運諸山皆在邑之東北惟金沙嶺來自
金鄉為邑西境其山綿延三百餘里上多莎草映日如金
故名其下為往來孔道河之在境內者一為荷河在縣南
七里禹貢導荷澤被孟豬是也一為清河在縣東北一為
泥河在縣東今河道皆湮至於邾水有東邾水
西邾水沙河有南
沙河
河北沙曲折糾紛總在滕縣然至山陽入漕實為邑內水道
言沙可不言邾言邾可不言沙蓋在滕則分而在魚則合

也湖則有陽城湖有昭陽湖有獨山湖本境所管河道堤岸界於昭陽獨山兩湖之間祇有西堤而無東堤獨山湖內之水汪洋泮泮直拍河堤雖有減水等閘洩往昭陽湖內但邢庄間丘家大壩一帶水深浪濶值伏汎水發乘風冲刷不免潰決之患修築維艱歲費不支每遇冬月挑淺交春晝夜夯築堤岸以待漕運之絳輓亦甚費司事之躊躇者也

河

潞水

硯瓦溝

而西過沙河店至黃甫壩轉趨趙溝西會南梁水入漕
漕水即沙河水在滕為二水至境內合為一水舊志
不詳原委祇載沙河郡志竟以漕專入滕縣因正之

在縣東北三十五里亦運河東畔之水也納黃山下諸
泉之水經獨山湖入運

沙河

在縣東南五十里逕沙河鎮過雙龍橋流入昭陽湖蓋

運河故道也昔與滕縣沙河為一故名自夏鎮開運河
改昭陽東畔此河不與滕通郡志猶載水從滕縣西南
流入境仍故蹟耳

新開河

在縣治西北二十里上接曾定城武單金諸邑之水自
金鄉交界北田寺起東至柳溝村入釣鉤嘴下穀亭舊
運河達東南沛縣安家口凡一百有六里又釣鉤嘴直
北為故廣運閘即牛頭河下流接引耐牢坡之水同注
穀亭直達沛縣安家口安家口者昭陽湖之下口塔具

湖之上口也自白鼠寺至安家口約十里長三里寬泥
草壅塞水流微弱不能洩入塔具湖以入圍河支渠下
至李家口又有橫石壩一道約長六里許亦土沙壅塞
不能洩水微山湖東入韓莊閘以濟運自康熙二十九
年疏浚西自北田寺至柳溝村皆口寬五丈深五尺舊
運河如舊制至安家口接連昭陽湖計程八里則深廣
倍之自此宣洩無患

按舊運河在昭陽湖西岸由沛縣城東至孟陽泊入境
孟陽泊亦巨漚也湖陵故城在焉濬洄十餘里渠貫其

中又北二十里至於穀亭穀亭者水經所謂穀庭城古
濟泗合流之地也一云甯母亭即齊桓公盟於甯母處
上為荷河下為秦渠自會通河開歷為漕渠要鎮明工
部管河主事駐之河橋水驛在焉南自湖陵北至南陽
相距五十里又北二十里為廣運閘明初所開牛頭河
也地名塌場口嘉靖四十三年河決飛雲橋運道告阻
乃開夏鎮新河以達南陽此渠不復行舟既而曹單決
口塞河水亦絕惟牛頭河下流運渠暴漲則溢而入也
又牛頭河由濟寧西二十里首受永通閘洩出漕渠之

水注之耐牢坡至塌場口開廣運閘而出入於舊渠蓋
黃河故道也明初用兵梁晉開通此渠以資運道故建
永通閘於北正統以後防塌場口之潰故建廣運閘於
南漕渠水盛由此行舟黃河自曹州雙河口來亦由此
入運後運渠東徙河水南流此河與故渠同塞河患庶
有廖與

湖

陽城湖

在縣東南七十里諸山泊泉自寨究二山南流會滕縣

大烏泉水匯而為湖別為小河自雞鳴臺以東溢而入
運

昭陽湖

在縣東南六十里一名刁陽故為運河東岍受滕縣諸
泉匯為巨浸週迴十餘里溢水沽頭闢入運嘉靖末年
黃河東決由運趨湖漕渠阻塞尚書朱衡改新渠於湖
東以避河水隆慶六年又於其南築土堤二百五十餘
丈又築東西決口二堤以防河患自是河益南徙不復
趨湖滕諸泉水西流入運亦阻漕隄不入湖內於是淤

頃日積居民側藝承糧謂之淤地然西境鄰邑諸山泊水自高超下每遇霖霖滙為巨浸下流阻塞渰沒為災隄防宣洩之方所當講求者也

獨山湖

在縣東北三十里亘東而南一名南陽湖滕縣沙河諸水由京輦支河西南灌輸逕湖入運魚臺黃寨諸泉水亦由硯瓦溝逕湖入運隆慶六年夏水泛溢乃於南陽北岍為石堤三十餘里減水閘十四座自是水無潰決漕運無阻歲久漸圯應亟請修築者也

泉

黃良泉

距縣東北四十里出黃山下土中東西長八十五丈至

三岔河會流

廟前泉

距縣東北四十里在黃良南出土中東西長九十丈至

三岔河會流

河頭泉

距縣東北四十里在黃良東出土中東西長一百七十

二丈至三岔河會流

陳家泉

距縣東北四十里黃山土中東西長一百五十丈至三

岔河會流

中溢泉

距縣東北四十里黃山土中東西長一百五十丈至三

岔河會流

高家西泉

距縣東北四十里黃山土泉東西長一百十五丈至三

岔河會流

高家東泉

距縣東北四十里黃山土泉東西長一百十五丈至三

岔河會流

勝水泉

距縣東北四十里黃山土泉東西長一百二十丈至三

岔河會流

滕家泉

距縣東北四十里黃山土泉東西長一百二十丈至三

岔河會流 已上九泉皆由三岔河會流由新開河入
運南流八里至南陽閘蓄濟

聖母池泉

距縣東北六十里寨裏集係土泉石鑲池峴南北長二
百七十丈至張家橋會流

西龍泉

距縣東北六十里寨裏集土中志云湧自石竇為池南
北長二百三十丈至張家橋會流

有本泉

距縣東北六十里寨裏集土中南北長一百七十五丈
至張家橋會流

聖裔泉

距縣東北六十里寨裏集土泉南北長二百二十丈至
張家橋會流

小龍泉

距縣東北六十里寨裏集土泉南北長一百八十五丈
至張家橋會流

陸小泉

距縣東北六十里寨裏集土泉南北長二百四十五丈
至張家橋會流 已上六泉俱會趙家口入運南流五
里至利建閘蓄濟

東龍泉

距縣東北九十里出池頭集沙土中石鑲泉
時不竭不溢遇旱禱雨即應西南會平山泉

平山泉

距縣東北九十里池頭集土泉南北長一千八百二十
丈至集泉橋會流

何家源泉

距縣東北九十里池頭集土泉南北長二千一百四十

丈三尺至集泉橋會流

廉家潭泉

距縣東北九十里池頭集土泉東西長一千四百四十

丈至集泉橋會流

做古泉

距縣東北九十里池頭集土泉南北長一千八百一十

二丈五尺至集泉橋會流 已上五泉俱由獨山湖張

家開入還南流二里至邢家開蓄濟